

Samkomulagið er af hálfu Dana háð þeim skilyrðum m. a. að virtar séu reglur er leiða af aðild Danmerkur að Efnahagsbandalagi Evrópu, þ. á m. viðvíkjandi flokkun, verðlagningu o. fl., svo og skal á tímabilinu 15. júní til 31. júlí einungis landa sild veiddri vestan línu er hugsast dregin milli Hanstholm- og Lindesnæs-vita.

Samkomulag þetta gildir til 31. desember 1974.

Þetta er hér með gert almenningi kunnugt.

Utanríkisráðuneytið, Reykjavík, 1. mars 1974.

Einar Ágústsson.

Pétur Thorsteinsson.

Nr. 5.

30. apríl 1974.

AUGLÝSING

um gildistöku alþjóðasamnings um varnir gegn mengun sjávar vegna losunar úrgangsefna frá skipum og flugvélum.

Með skírskotun til auglýsingar nr. 16/1973 er almenningi hér með gert kunnugt, að hinn 7. apríl 1974 gekk í gildi alþjóðasamningur, er gerður var 15. febrúar 1972, um varnir gegn mengun sjávar vegna losunar úrgangsefna frá skipum og flugvélum, en um hann var fjallað í ofangreindri auglýsingu.

Utanríkisráðuneytið, Reykjavík, 30. apríl 1974.

Einar Ágústsson.

Pétur Thorsteinsson.

Nr. 6.

30. apríl 1974.

AUGLÝSING

um samninga og yfirlýsingar Íslands, er varða vegabréfsáritanir fyrir ferðamenn.

1. Gagnkvæmt afnám vegabréfa: Danmörk, Finnland, Noregur, Svíþjóð.
2. Gagnkvæmt afnám vegabréfsáritana miðað við 2—3 mánaða dvöl: Austurríki, Bahama, Barbados, Belgía, Brasilía, Bretland (þ. á m. eftirtalдар breskar nýlendur og landssvæði: Hong Kong, Bermúda-eyjar, Turks- og Caicos-eyjar, Caymaneyjar, Leeward-eyjar (Antigua, St.Kitts-Nevis, Anguilla, Montserrat og Virgin-eyjar), Windward-eyjar (Dominica, Grenada, St. Lucia og St. Vincent-eyjar), Breska Hondúras, St. Helena, Falklandseyjar, Vestur-Kýrrahafseyjar (Gilbert- og Ellice-eyjar og Bresku Soloman-eyjar), Brunei, Seychelles-eyjar, Gíbraltar og New Herbrides), Búlgaría, Chile, Fíji, Frakkland, Gambía, Grikkland, Guyana, Holland, Írland, Ísrael, Ítalía, Jamaíca, Japan, Júgóslavía, Kanada,

Kórea, Kýpur, Lesótó, Liechtenstein, Luxembourg, Malasía, Malavi, Malta, Marokkó, Míritíus, Mónakó, Nýja-Sjáland, Portúgal, Rúmenía, San Marínó, Singapore, Spánn, Svasíland, Sviss, Tanzanía, Trinidad og Tobago, Túnis, Tyrkland, Sambandslýðveldið Þýskaland.

3. Gagnkvæmur samningur um afnám vegabréfsáritana var gerður við Mexíkó 21. 12. 1965. Þess ber þó vel að gæta, að mexíkönsk stjórnvöld krefjast þess, að Íslendingar afli sér ferðamannaskilríkja hjá mexíkönsku sendiráði eða ræðis-skrifstofu fyrir komu sína til Mexíkó.
4. Samkomulag um vegabréfsáritanir var gert við Ástralíu 29. 4. 1969. Aðalefni þessa samkomulags er, að íslenskir ríkisborgarar með gild íslensk vegabréf, sem óska eftir að fara til Ástralíu, hvort sem er til tímabundinnar eða varan-legrar dvalar, skuli, þegar þeim hefur verið veitt heimild til að komast inn í landið, fá ókeypis vegabréfsáritun hjá þeim stjórnvöldum, sem eru bær að veita vegabréfsáritanir. Slikar áritanir í vegabréf íslenskra ríkisborgara, sem ferðast til Ástralíu í öðrum tilgangi en þeim að setjast þar að, verða gefnar út til 12 mánaða og gilda fyrir ótiltekinn fjölda ferða innan þeirra tímamarka. Ástralskir ríkisborgarar með gild áströlsk vegabréf eru undanþegnir þeirri skyldu að fá áritun í vegabréf sín til allt að 3 mánaða dvalar á Íslandi, enda sé það ekki tilgangur þeirra að setjast þar að.
5. Samkvæmt auglýsingu frá 14. 3. 1962 eru bandarískir ríkisborgarar undanþegnir þeirri skyldu að fá áritun á vegabréf sín. Undanþágan gildir eingöngu um ferðamenn og veitir rétt til allt að þriggja mánaða dvalar hverju sinni, en veitir hins vegar ekki rétt til að stunda atvinnu á Íslandi.
6. Samkvæmt auglýsingu frá 9. 2. 1961 viðurkennir Ísland þargreind bresk ferðamannaskilríki til allt að 3 mánaða dvalar á Íslandi.
7. Samkvæmt auglýsingu frá 26. 2. 1971 eru borgarar Páfaríkis, sem eru handhafar vegabréfa, útgefinna af Páfaríkinu, undanþegnir þeirri skyldu að fá áritun í vegabréf sín.
8. Samkvæmt auglýsingu frá 26. 2. 1971 eru starfsmenn Sameinuðu þjóðanna, sérstofnana Sameinuðu þjóðanna og Alþjóðakjarnorkumálastofnunarinnar, er ferðast til Íslands og eru handhafar ferðabréfa (laissez-passer) S.Þ., undanþegnir þeirri skyldu að fá áritun í vegabréf sín, þegar þeir eru á ferðalögum í þágu framangreindra stofnana, enda framvísi þeir jafnframt ferðabréfi yfirlýsingu Sameinuðu þjóðanna eða þeirrar stofnunar, sem þeir starfa hjá, um það, að þeir séu að reka erindi Sameinuðu þjóðanna eða viðkomandi stofnunar.
9. Ísland er aðili að samningi Evrópuríkja um afnám vegabréfsáritana fyrir flóttamenn, en 13 aðildarríki Evrópuáðsins hafa nú fullgilt þann samning.
10. Ísland er aðili að Evrópusamningi um ferðalög æskufólks á sameiginlegu vegabréfi.

Auglýsing þessi kemur í stað auglýsingar nr. 24 29. desember 1972 um samninga og yfirlýsingar Íslands, er varða vegabréfsáritanir fyrir ferðamenn.

Utanríkisráðuneytið, Reykjavík, 30. apríl 1974.

Einar Ágústsson.

Pétur Thorsteinsson.